



L'ambassadur Bart Twaalfhoven e Herine Twaalfhoven (amez) vegnan retschavids en la chasa grischa dal president da la regenza Hansjörg Trachsel (a sanestra) sco er dal chancelier Claudio Riesen. MAD

## L'ambassadur ollandais sin visita tar la regenza grischuna

■ (cc) **Bart Twaalfhoven, ambassadur dal reginavel dals Pajais bass, ha visità ier il chantun Grischun sin invit da la regenza.** L'ambassadur ollandais en Svizra, *Bart Twaalfhoven*, e sia consorta *Herine Twaalfhoven* èn vegnids retschavids ier en la chasa grischa a Cuir dal president da la regenza *Hansjörg*

*Trachsel* e dal chancelier *Claudio Riesen*. Suenter ch'igl è vegnì barattà ils salids uffizials è in gentar cuminaivel stà sin il program.

La regenza grischuna tgira annualmain contacts cun represchentantas e cun represchentants da stadis esters en Svizra. Quests discurs èn elements im-

purtants da las relaziuns externas dal chantun. Cun ils stadis vischins e cun pajais che han relaziuns spezialas cun la Svizra e cun il Grischun vegnan savens discutadas dumondas specificas actualas. Autras visitas servan en emprima lingua a barattar experientschas sin il champ cultural, economic e politic.